

南宮奏議

南宮奏議卷第六目錄

大慶二

議 東宮啓本事宜

叅看尚書霍韜等聖功圖說

看議贊善羅洪先等乞舉 東宮朝儀

請報謝高祺

皇第四子生請告 長陵等陵及從官詞賀

皇第三子 皇第四子命名剪髮儀注

冊封貴妃淑嬪等儀

南宮奏議卷第六

鈴山堂集四十六

大慶二

議 東宮啓本事宜

該本部題節該欽奉 聖諭這東宮奉啓事宜還查舊制詳議來說臣等查得大明會典所載洪武十年令群臣大小政事先啓皇太子處分十四年定啓東宮者皆稱臣二十八年定各衙門合啓事目至永樂二年定有東宮朝儀合啓事務在京止用奏本在外衙門務要素本一本啓本一本欽此臣等又查得嘉靖十八年二月初七日該本部題冊立 皇太子正

位東宮所有元旦冬至千秋令節理合行移各王府并南京在外文武五品以上衙門照例拜進箋文慶賀等因奉 聖旨這箋文且着賀生辰元旦冬至暫待三年後進賀欽此臣等敬惟 東宮殿下顯受封冊正位元良天下臣民皆已繫望應合欽遵 祖宗舊制東宮合啓事務俱用啓本呈進但臣等議得國朝初制東宮或以年齒稍長出閣講學或以分攝朝政上決取裁封啓一節誠不可缺今 聖明在上軍國萬幾統於君父且官府官屬雖已建設而殿制朝儀俱尚未備又經奉有 聖旨東宮元旦冬至暫

待三年後進賀則一應請名請封章疏及天下諸司官吏給由之類似亦當恭候 東宮皇太子出閣受朝之時方議啓進其目今各處進到啓本合無仍令該寺暫且免進惟復別有定奪臣等未敢擅擬伏乞聖裁

叅看尚書霍韜等聖功圖說

該禮科抄出南京禮部尚書霍韜南京吏部考功司郎中鄒守益奏臣等伏蒙 聖恩擢補 東宮官僚臣等竊取古意繪爲聖功圖一十三幅裝爲一冊獻上 東宮殿下伏乞勅下內侍謹厚人員將臣等所

繪圖冊時進 皇太子觀玩等因奉 聖旨霍韜鄒

守益所進圖冊中間語多回隱意實假借謗訕非人

臣禮着禮部看了從實叅來欽此臣等奉 旨看得

霍韜鄒守益所進圖冊大約以稽古法 祖考勤恭

儉爲啓沃元良之助夫舉簡冊之格言聖王之遺範

以仰裨 聖功此儒臣所當盡之職也但其中引義

演詞不無窒誤夫奏內旣云 東宮親王無讓齒之

禮而又曰古聖齒胄謙德旣曰神堯茅茨土階大禹

卑宮菲食 聖祖宮中隙地種蔬蓋云儉樸之爲美

營建之爲勞矣而又曰恭遇 皇上應時創制宮室

服器規制大備爲萬世法是其先後論詞自相矛盾
不行明白開說却只托詞諷喻誠爲語多回隱者叅
照南京禮部尚書霍韜南京吏部考功司郎中鄒守
益性資多僻議論好高徒知陳善納忠之爲敬而不
知迹類謗訕之爲非矣臣等從實叅看伏乞 聖明
裁奪嘉靖十八年閏七月初六日奉

聖旨你每旣這等說姑念納忠免罪冊疏不行

看議贊善羅洪先等乞舉 東宮朝儀

該左春坊贊善兼翰林院修撰羅洪先翰林院編修
兼右春坊右司諫唐順之翰林院編修兼司經局校

書趙時春各奏稱來歲首春當朝覲會試之期而文
華受朝之儀缺而未講乞勅下各該衙門凡東宮
朝會一應儀注早爲詳訂一應職屬早爲慎選即於
元日群臣於奉天殿朝賀禮成即詣文華殿朝賀
皇太子等因俱奉聖旨禮部看了來說欽此臣
等切惟爲治以正名爲先論禮以酌時爲貴邇者伏
遇皇上肇建元良冊禮渙頒旣以端天下之大本
正天下之大防矣然歲時令節并千秋等筵賀節該
本部具儀上請奉有明旨待出閣時行聖慮弘
深以皇太子年尚冲幼且重加保護俟睿體允盛

而後舉行朝賀之儀此蓋審禮酌時不欲徒示觀聽
之文焉耳至於官僚之設慎簡預待使之靜修沃心
之業以冀用於他日非遽責効於目前也 雄斷淵
謨中外臣民翊戴欽承無容議矣今羅洪先等其所
陳請雖出効忠但本部題奉 欽依已定且 君父
在上近日 聖躬違和尚未全復 皇上既不受賀
東宮豈可臨朝所據 東宮正旦朝賀禮儀合遵
前 旨候出閣時本部另行題請舉行嘉靖十九年
十二月二十七日奉

聖旨卿等看得是羅洪先等狂悖浮躁好生無禮姑

從寬都着爲民該部知道

請報謝高禔之神

臣等查得嘉靖十八年二月十五日該本部尚書李時題爲崇禔祀以祈聖嗣事奉 聖旨朕嗣守祖宗洪業十八年于茲儲嗣未立深用切懷覽奏具見忠愛便會翰林院議擬具儀來說欽此隨該本部會同翰林院具儀上請節奉 聖旨是欽此已經欽遵擇吉設壇行禮訖今者 元祥誕降天胤日繁弓鞬載陳彤蠶斯答 宗社生靈永有攸賴此實我 皇上憲法經典肇修古祀精意感通之所致也禮宜崇修

報謝之典以彰祺神孚應之功伏望 皇上勅下所
司先期設壇備制擇吉舉行本部酌擬儀注開具上
請施行奉

聖旨是

皇第四子生請告 長陵等陵及從官詞賀

茲者恭遇 聖駕躬修春祭於 山陵該司禮監太
監鮑忠傳奉 聖旨嘉靖十六年二月二十九日朕
第四子生禮部知道欽此欽遵臣等仰惟 皇上肇
修春祀式迓天休吉報逆馳儲祥疊見七陵擁佑瞻
佳氣之鬱葱萬衆謳歌頌皇圖之鞏固歡增 茲極

喜溢行宮是惟稀闊之逢正值亨嘉之會此誠皇
上峻德承天大孝格祖之所致也臣等曷勝忭慶恭
請暫停 聖駕俯遂輿情於三月朔旦 皇上以誕
祥之慶恭告 長陵遣官分告六陵初二日容臣等
從官於行宮鴻臚寺官致詞行慶賀禮以申臣子懽
忻踴躍之忱臣等不勝祈懇之至嘉靖十六年二月
二十九日奉

聖旨奏告典儀別有諭了詞賀從請

皇第三子 皇第四子命名剪髮儀注

先該本部題嘉靖十六年正月二十三日恭遇皇第

三子生所有三月之末命名剪髮之儀合於四月望
後選吉舉行奉 聖旨這命名儀視元子當等差再
擬來欽此又該嘉靖十六年二月二十九日皇第四
子生計今亦及三月之期所據命名禮儀相應一時
舉行並告 祖考合慶宮闈實爲盛典查得先次元
良誕生其命名剪髮之儀節該本部題奉欽依擇日
皇上親告 皇祖 皇考及遣官分告 七廟前
期及擇師姆等以奉 皇子剪髮是日 皇后祇見
皇子 上具皮弁服命以制辭執 皇子之右手咳
而賜之名 皇后敬對承旨及一應禮儀題奉 聖

旨依擬欽此除欽遵外臣等謹按禮經冢子生三月之末擇日剪髮毋以子祇見於君師姆相之執其手咳而名之命以辭庶子見於外寢撫其首咳而名之禮率初無辭又曰庶子生其母沐浴朝服見於君擯者若傅姆之屬以其子見君所有賜則君名之蓋以重元子昭天倫等威之辨誠所當謹者也臣等欽承聖諭謹將合行儀注通行議擬上請伏乞聖裁勅下施行一行欽天監擇皇子剪髮吉日上請一欽命皇第三子皇第四子雙名該用載字行下字用土邊傍字樣先勅內閣開擬上請聖明簡定

一是日上以命皇第三子皇第四子名告皇祖
于太廟告皇考于獻皇帝廟遣官分告七廟先
期太常寺備香帛脯醢酒果翰林院具祝文上以
命皇第三子第四子名遣使聞于昭聖慈壽皇太
后前期上擇內夫人敬慎者二人使爲傳姆以奉
皇子剪髮是日早傳姆各抱皇子于寢宮剪髮
爲髻留角如禮是日上具常服御乾清宮陞座
皇后率康妃靖嬪各具服朝見行四拜禮畢皇后
侍立東面康妃靖嬪並中立傳姆各抱皇子出自
寢由西至殿內授皇第三子于康妃授皇第四子于

靖嬪內贊奏曰康妃杜氏靖嬪盧氏敢用吉日祇見
皇子 上降座撫皇第三子之首咳而賜之名康妃
承旨畢左還授皇子于傅姆立康妃後次撫皇第四
子之首咳而賜之名靖嬪承旨畢左還授皇子于傅
姆立靖嬪後 皇后率康妃靖嬪再四拜畢傅姆抱
皇子隨各還宮次日 上御奉天門降手勅以皇子
睿名傳諭禮部行移宗人府上籍玉牒

冊封貴妃淑嬪等儀

嘉靖十六年四月十七日該內閣傳奉 聖諭朕荷
天庥賜生元子生母昭嬪王氏宜有進加以示寵異

取今月二十三日告于 皇祖 列聖 皇考遣使

持節以金冊金印進封爲貴妃第四子生母靖嬪盧氏進封爲靖妃又列御錦衣衛正千戶英女劉氏補封爲淑嬪俊女王氏爲宜嬪受女王氏爲徽嬪嬖女王氏爲裕嬪璣女陳氏爲雍嬪具儀來看臣等恭捧到部謹將合行禮儀注擬開坐上請伏候命下欽遵施行 一冊封吉期遵照欽定嘉靖十六年四月二十三日是日寅時 上具常服以進封貴妃靖妃告于太廟分遣文武大臣八員告于 太宗廟 昭穆群廟 獻皇帝廟先期太常寺備香帛脯醢酒果翰

林院撰告文其冊封淑嬪宜嬪徽嬪雍嬪前此已具祝詞預併告訖茲不再告先期內府造貴妃金冊金印并靖妃淑嬪宜嬪徽嬪裕嬪雍嬪各金銀冊冠服玉圭等件本部奏請持捧節冊印行禮正副使十五員前一日鴻臚寺設節冊印案于奉天殿節案居左冊印案居右設節冊印綵輿于丹墀內教坊司設中和樂韶樂及大樂錦衣衛設儀仗如朔望儀是日早內官設貴妃受冊位于宮中設節冊印案于受冊位之北節案居左冊印案居右設香案于節冊印案前設靖妃淑嬪宜嬪徽嬪裕嬪雍嬪受冊位于各宮中

設節冊案于受冊位之北節案居左冊案居右設香案于節冊案前設內贊各三人引禮各二人一告廟畢上具皮弁服御華蓋殿鴻臚寺官奏執事官具朝服行禮畢奏請陞殿導駕官導上陞座文武百官各具朝服入班行叩頭禮左右侍班正副使亦具朝服入就拜位鳴贊贊四拜興傳制官跪奏傳制執事官舉節冊印案由殿左門出置御道中傳制官由左門出稱有制替跪正副使跪傳制官稱制曰嘉靖十六年四月二十三日進封昭嬪王氏爲貴妃靖嬪盧氏爲靖妃冊封錦衣衛正千戶劉英女劉氏爲

淑嬪王俊女王氏爲宜嬪王受女王氏爲徽嬪王嬬女王氏爲裕嬪陳璣女陳氏爲雍嬪命卿等持節行禮贊俯伏興四拜禮畢執事官舉節冊印至綵輿中黃蓋遮送教坊司鼓樂導至右順門正副使朝北面立內官舉貴妃節冊印輿入將至宮門引禮請貴妃具禮服出迎于宮門外節冊印由正門入貴妃隨至拜位內官以節冊印各置于案贊四拜贊宣冊贊跪宣冊女官取冊立宣于貴妃之左訖贊受冊贊播圭宣冊女官以冊跪授于貴妃貴妃受冊授女官女官跪受于貴妃之右立于西贊受印女官以印跪授于

貴妃貴妃受印授女官女官跪受于貴妃之右立于西贊出主贊興贊四拜禮畢又請靖妃淑嬪宜嬪徽嬪裕嬪雍嬪節冊興同入將至各宮門引禮請靖妃淑嬪宜嬪徽嬪裕嬪雍嬪各具禮服出迎于宮門外節冊由正門入靖妃淑嬪宜嬪徽嬪裕嬪雍嬪隨至拜位內官以節冊各置于案贊四拜贊宣冊贊跪宣冊女官取冊立宣于靖妃淑嬪宜嬪徽嬪裕嬪雍嬪之左訖贊受冊贊搢圭宣冊女官以冊授靖妃淑嬪宜嬪徽嬪裕嬪雍嬪各受冊授女官女官各跪受于靖妃淑嬪宜嬪徽嬪裕嬪雍嬪之右立于西贊出圭

贊興贊四拜禮畢內官持節由正門出貴妃靖妃淑
嬪宜嬪徽嬪裕嬪雍嬪各送出宮門外內官齎節出
至右順門外以節授正副使報禮畢正副使得報持
節復命是日貴妃靖妃淑嬪宜嬪徽嬪裕嬪雍嬪受
冊畢各具禮服候 皇上率詣景神前殿後殿行謁
告禮如常儀先期太常寺備酒果脯醢翰林院具請
撰告詞謁內殿畢貴妃靖妃淑嬪宜嬪徽嬪裕嬪雍
嬪各具禮服詣 昭聖慈壽皇太后前 章聖慈仁
皇太后前俱行八拜禮畢各詣乾清宮候 上服皮
弁服陞座 皇后亦具服陞座贊引女官引貴妃靖

妃淑嬪宜嬪微嬪裕嬪雍嬪諠前就拜位行八拜禮
畢還宮次日 上御奉天門文武百官各具吉服鴻
臚寺官致詞稱賀

南宮奏議卷第六

南宮奏議卷第七目錄

大恤一

大行章聖皇太后喪禮儀

請定 顯陵合葬事宜

請行奉慰禮并頒 制諭禮儀

駕詣大峪禮儀

奉遷 顯陵合葬大峪事宜

請釋服還宮

上 大行皇太后尊謚并頒詔儀

南宮奏議卷第七

鈐山堂集四十七

大恤一

大行章聖皇太后喪禮儀

嘉靖十七年十二月初四日寅時該司禮監太監張
佐傳奉 聖旨朕積愆深禍延 聖母不幸於本月
初四日丑時崩逝合行喪禮事宜便會同翰林院計
議具儀來看仰惟 大行皇太后奄棄至養臣等驚
怛不能已已謹即會同計議查照先年 孝貞皇太
后喪儀叅酌增損恭擬合行儀注上進伏乞 聖明
裁定發下遵行 一聞喪日 上素服詣 大行皇

太后宮前舉哀哀止括髮設奠復舉哀畢歸喪次

武廟皇妃 皇后皇妃皇嬪仁和大長公主等涇簡

王妃舉哀禮同哀畢各歸次是日未時頒 遺詔小

殮凡二十七日不鳴鐘鼓 一文武百官烏紗帽黑

角帶素圓領俱詣 慈寧宮門外哭畢列班司禮監

官由中門捧 遺詔出置于案鴻臚寺官贊行四拜

禮禮部尚書至案前跪取遺詔起捧授鴻臚寺官開

讀宜讀訖鴻臚寺官贊舉哀十五聲而止復贊行四

拜禮畢尚書捧遺詔衛士用黃傘覆由思善門中道

右順中門午門等中門出至東長安中門出至部膳

黃次日進繳 一次日辰時大殮 上素服束髮詣
大行皇太后宮前舉哀設奠大殮奉安梓宮設几
筵安神帛立銘旌哭盡哀而退 一三日成服 上
位服緋服詣 梓宮前舉哀行禮祭一壇 昭聖皇
太后遣祭一壇 武廟皇妃 皇后皇妃皇嬪公主
王妃皆成服各設祭一壇六尚及宮人各隨祭禮畢
歸喪次是日內宮內使祭一壇翰林院撰祭文光祿
寺辦祭物 一五日 上詣 大行皇太后宮前舉
哀朝夕設奠 武廟皇妃 皇后皇妃皇嬪公主王
妃哭臨如前儀六日如前儀七日公侯駙馬伯五府

六部等衙門官共祭一壇三品以上命婦共一壇每
七百日設祭 上位一壇 昭聖皇太后遣祭一壇

武廟皇妃 皇后皇妃皇嬪公主王妃各一壇

一在京文武官員自本日至第三日俱詣慈寧宮門
外哭退於本衙門宿歇不飲酒食肉第四日各具斬
纓服至慈寧宮門外朝夕哭臨三日各十五舉聲而
止凡在朝及在衙門視事用布裹紗帽垂帶腰經麻
鞋退居即服孝服通前二十七日而除一品至三品
命婦麻布大袖圓領長衫麻布蓋頭清晨由西華門
入慈寧宮門哭臨三日而止仍素服共二十七日而

除在京諸寺觀各聲鐘三萬杵禁屠宰十三日軍民
素服婦人素服俱二十七日而除外國四夷使臣工
部造與孝服隨朝官哭臨及行祭禮凡祭祀品物光
祿寺備辦在京聽選官辦事官監生吏典僧道坊廂
人等聞喪即易素服次日至第三日皆清晨赴順天
府朝闕設香案朝夕哭臨至第四日官各具斬纓服
監生人等素服朝夕哭臨三日舉聲各十五仍素服
通前二十七日除 一在外諸王世子郡王王妃郡
主以下聞赴皆哭盡哀行五拜三叩頭禮畢易素服
第四日服纓服二十七日而除 一遺詔到日在外

文武官員人等素服烏紗帽黑角帶行四拜禮跪聽
宣讀訖舉哀再行四拜禮畢各置斬纓於本衙門宿
歇不飲酒食肉每日率合屬官僚人等朝闕設案朝
夕哭臨三日各舉聲十五自是素服通前二十七日
除在外官員命婦聞喪素服舉哀三日各舉聲十五
素服通前二十七日除軍民男婦止素服十三日
一本部奏差行人等官齋捧遺誥前往各處開讀
本月初四日奉

聖旨依擬

請定 顯陵合葬事宜

茲者 大行章聖慈仁康靜貞壽皇太后駕馭升遐
凡一應禮儀所當行者該本部題請次第舉行臣等
查得先年 母后崩逝未踰旬月則議舉山陵開土
之役誠以事莫大於送終窆窆之期理不可緩也但
往時天壽山 列聖陵寢程途不遠事舉爲易今
皇考顯陵遠在承天所據合葬事宜臣下擅難輕擬
仰冀淵衷睿畫早賜裁定勅下遵行嘉靖十七年十
二月初七日奉

聖旨卿等以 山陵大事言朕惟 顯陵之奉遷在
今日已無他諱便於天壽山大峪去處擇日興工作

急寫勅舉行

請行奉慰禮并頒制諭禮儀

茲者伏遇 大行章聖皇太后奄棄至養永即仙遊
仰惟 皇帝陛下誠孝發於天性顧復愴於至懷攀
號感慕何以勝處臣等連日跂望天顏不勝徬徨系
戀之至伏讀 遺誥叮嚀欲以萬幾爲念保護 聖
躬毋過哀戚伏望 皇上仰遵慈訓深抑至情以幸
天下臣等躬請 皇上於是月十二日早褰服御西
角門容令文武百官行奉慰禮等因奉 聖旨卿等
以奉慰爲請朕正當守奉 几筵未忍一刻離次但

卿等所請勉從之欽此切惟終天之哀雖切萬機之
應寔繁 慈誥叮嚀所以重大業而保 聖躬者也
伏蒙 皇上俯從臣等所請不勝幸甚是日行奉慰
禮畢恭候欽頒 制諭奉議 大行皇太后尊謚所
有合行禮儀開坐上進

一十二日 上具縗服御西角門鴻臚寺官致詞文
武百官素冠素服腰經行奉慰禮畢侍班 上召禮
部官詣前跪翰林院官捧制諭授禮部尚書鴻臚寺
官贊禮畢 上還禮部尚書捧制諭從中左橋中左
門出至午門外文武百官隨出鴻臚寺官贊行四拜

禮跪鴻臚寺官宣讀訖再行四拜禮各退禮部尚書
捧制諭出至部設香案行叩頭禮畢膳黃次日進
繳嘉靖十七年十二月初九日奉

聖旨是

駕詣大峪禮儀

茲遇 大行章聖皇太后慈駕遐升先該本部具題

山陵大事恭請 聖裁節奉 聖旨便於天壽山

大峪去處擇日興工欽此隨行據欽天監選到本月
十五日辰時上吉破土興工本月初八日本部尚書
臣嵩恭奉 面諭於十三日聖駕發京恭詣大峪相

看作穴去處欽此臣等仰惟 皇上聖孝天至自遭
大故以來儼然衰經日奉几筵頃刻未忍離次茲以
山陵事重不遑寧處召見勲輔臣等面議擗踊號慟
叩地呼天諸臣莫不酸泣茲復慎重大事遠歷岡原
躬親營度自古帝王未有大孝純德如我 皇上者
也臣等謹遵 聖諭隨即傳行內外各該衙門知悉
照依秋祭山陵事理如例遵行外仍恭擬儀注開坐
上進伏乞勅下施行 一太常寺備辦告廟及祀陵
祭品如常儀 一翰林院撰合用告祭文 一錦衣
衛設丹陛素仗儀衛扈行 一簡命文武大臣居守

京師請勅行事及兵部奏請直守皇城九門分調提
督武臣把守各山口關隘選點扈駕軍馬奏差科道
官點開俱如例 一戶部照例關給扈從官軍行糧
工部差官隨宜整墊橋道光祿寺隨處預備御膳湯
飯 一扈從官五府九卿堂屬官太常寺鴻臚寺官
翰林院學士并日講官六科官六員十三道官十三
員 一前期一日告廟遣官行禮 一十三日早
駕發扈從官前行居守官同文武百官俱趨德勝門
外候送 駕駕過退 一駕至沙河昌平州官吏師
生耆老人等俱跪迎 駕駕過退 上至行宮進湯

膳畢陞座從官朝見行叩頭禮如常儀鴻臚寺官引
昌平州官吏師生及公差有事官吏見行五拜三叩
頭禮朝罷從官先行至天壽山行宮候駕駕至從
官朝見行叩頭禮畢退一十四日早從官朝參各
衙門奏事如常儀一十五日 上具素翼善冠腰
經恭以建造 顯陵告於 長陵遣大臣六員分告
六陵同日遣大臣二員告 皇祖太廟 皇考睿
宗廟俱乞欽命 一告天壽山之神大峪山后土之
神共大臣一員伏乞欽命 一回鑾日免朝從官先
行 駕至沙河行宮從官行叩頭禮如常儀鴻臚寺

官引昌平州官吏辭行禮如常儀朝罷從官先行至德勝門文武百官及軍民耆老人等俱於門外候迎居守文武大臣伏謁 駕前致詞行叩頭禮 駕入告 廟畢還次初九日奉 聖旨依擬行

奉遷 顯陵合葬大峪事宜

嘉靖十七年十二月初九日欽奉 勅諭昨該爾部奏 聖母大行慈駕遐升謂事莫重於山陵蓋此實孝子第一大事委不可緩朕受 遺訓以萬幾爲重郊廟爲先矧時非上古朕雖不類先聖然今昔之

理大有不同且昨來 郊禮大儀尚餘未盡豈宜置
而後之目今便寫 勅分命重臣一面於原朕親視
之 天壽山大峪去處建造 顯陵作急擇日恭聞
于 祖宗列聖啓事興工一面南奉 皇考梓宮來
山合葬庶慰朕 二親之靈以伸朕以禮終事之微
情焉爾禮部便將合行事宜會同皇親內閣六卿共
議來聞故諭欽此臣等會議得仰惟 皇上以 皇
考顯陵遠在江漢頃歲以來每廬時歲之懷茲遇
慈馭上賓 聖情中切亟以襄事爲圖而大峪之擇
實天設地蔵之勝建造 玄寢南奉 皇考梓宮來

山合葬揆之古禮而正即之 聖心而安稽之羣議而協 一聖安靈無復遺憾者矣茲蒙 聖諭特命臣等將合行事宜共議來聞臣等敢不悉心殫慮以仰副 聖心於萬一蓋今日舉事二端一與大峪之役一啓 承天之殯大峪之役內監庀工冬曹司計輟各項凡役以速今工計日可就承天之役勅遣大臣將命而往 靈駕就途亦刻期可至但奉啓之儀要在嚴辦周慮務極情文之備何則 皇考始葬王禮也今則天子也 陛下貴爲天子富有天下而得以天子之貴天下之富終事其親此古今之難值君

父之至榮也茲舉也 皇上大孝朝廷大典禮國家
大舉措孟子曰養生不足以當大事惟送死可以當
大事朱熹曰孝子之事親舍是無以用其力矣伏惟
皇上聖孝惓惓以大事爲重昨者賜召勲輔諸臣
感慕哀慟命官董事具有成命 聖裁各極其當臣
等愚慮萬弗能及者也目今有司仰遵 宸斷宜備
尊謚香冊銘旌之屬宜備吉仗朝駕儀衛之屬凶
仗龍輴香輿素翼之屬宜用歛衣冕服弁服圭玉佩
綬舄履之屬俱合勅下內府成造奉將而往至於
梓宮南至奉迎之禮俟差去大臣以啓程日期奏報

另議題請至 慈駕發引之期 皇堂奉厝之禮俱
容禮官次第具儀上聞臣等再惟 陛下孝德非常
天人交贊臣子自宜效勞大事遄當就緒伏望少抑
思痛重護 聖躬天下幸甚臣等不勝幸甚謹將共
議過合行事宜開坐伏乞 聖明裁定

一 顯陵奉遷儀

一 欽天監選到動土啓攢三吉日臨時酌用翰林院
撰各合用祭文祝文太常寺備辦各祭告品物香燭
制帛 一 今月十二日以奉遷 顯陵梓宮并大峪
興工恭告 皇祖 列聖於景神殿 一 祭告 顯

陵啓遷發引各祭一壇 純德山之神后土之神榮
澤河神各祭一壇俱差去大臣行禮光祿寺整辦有
司出給品物太常寺具制帛香燭 一梓宮備料製
造開壙畢舊壙以土實之 一隆慶殿神位香冊并
陵殿香冊寶一應儀物等件俱隨行 一製銘旌
恭書 大明睿宗知天守道洪德淵仁寬穆純聖恭
儉敬文獻皇帝梓宮 一製 天子冕服并服常服
珮玉圭綬舄履全俱內府衙門作速恭製 一備吉
凶儀仗吉用見在丹陛駕凶用全物差去錦衣衛官
督領擺設 一欽命兵部尚書掌禮領兵合於禮部

選差郎中二員兵部郎中員外郎各一員管理一應
禮儀兵馬太常寺少卿一員掌祭帶執事官十人鴻
臚寺少卿一員帶屬官等十人光祿寺少卿一員帶
四署官四人各供事都察院奏差御史二員該科奏
差給事中二員監視糾察差去內外重臣各請勅并
給符驗關防官員吏役人等兵部照例起關應付應
給口糧夫馬車輛 一行湖廣河南直隸真定保定
撫按官督令各該有司衛分等官搭蓋席殿修理橋
梁道路預處過河船隻差撥官軍夫匠供給各項行
糧馬匹草料所過軍衛有司驛遞等衙門俱照關文

應付廩給口糧不許分外餽送下程等物因而指稱
科擾 一告遷是日太常寺官設酒饌如常儀內贊
唱執事官各司其事導引官導遣祭官至 山陵前
贊四拜興各差去官陪拜奠帛獻酒讀祝俯伏興四
拜焚祝帛贊禮畢 一發引是日遣祭官至 梓官
前致祭如前儀祭畢掌祭官跪奏奉請 睿宗獻皇
帝梓宮啓行奏訖俯伏興以次前發如圖儀各官護
行 一沿途每日早啓行太常官跪于 梓宮前奏
奉請 梓宮啓行奠酒俯伏興各官行叩頭禮每晚
止宿太常官跪于 梓宮前奏奉請 梓宮安駐奠

酒俯伏與各官行叩頭禮每日朝夕二次各備饌五
樣蔬果酒膳神官監尚膳監奏食如常儀 一經過
有王府去處許王領率宗室素服出城奉迎致祭有
司官先具幕次于席殿西王候 梓宮至跪迎道傍
該府官預陳設祭物於席殿內贊唱就位鞠躬拜四
拜興贊詣 靈駕前跪上香畢復位跪奠帛初獻爵
讀祭文亞獻終獻畢贊四拜興平身焚祝帛禮畢
梓宮行王辭贊拜四拜興候道傍 梓宮過退還府
一 王府附近去處遣輔導官致祭先於席殿陳
設祭物候 梓宮至執事官贊拜四拜興贊詣 靈

駕前跪上香畢復位跪奠帛三獻爵讀祭文俯伏興
四拜興焚祝帛禮畢 一各該撫按并三司官 梓
官經過處所致祭與王府遣官儀同所過府州縣大
小官員各致祭如前儀 一致祭品物簇盤一座豕
一羊一果五盤點心五盤餽燥五盤餅五盤俱用顏色紙花
案酒五樣菜五樣粉湯五碗飯五碗帛一段酒三爵
并香燭紙 一撫按以下官員俱素冠服見辭各行
五拜三叩頭禮所過地方街巷途次軍民人等遇
梓官過皆俯伏在地 一純德山陵殿隆慶殿守護
人役及守備官俱候 梓官到京該衙門奏請定奪

梓宮啓行圖

騎軍

騎軍

素仗

儀仗

騎軍

步軍

地方軍衛有司
扈送官員人等

奉侍迎護等官騎從

金鼓旗

梓宮

神輿

神位亭

冊寶亭

香燭亭

銘旌

地方軍衛有司
扈送官員人等

奉侍迎護等官騎從

金鼓旗

騎軍

騎軍

素仗

儀仗

騎軍

步軍

一大峪興工儀

一欽天監選到動土興工吉日翰林院撰合用祭文

祝文祭告

六陵井

天壽山之神大峪山后土之

神司工之神各 欽命遣官行禮太常寺備辦各該
祭品香燭制帛 一請勅命知建造大臣并掌擬禮
制禮部堂上官總督官軍兵部堂上官提督工程工
部堂上官監收物料點間官軍科道等官總提督工
程內官監官 一顯陵規制合遵奉 欽定儀式工
部內官監仍會同畫圖上請 一兵部查照 壽宮
事例處撥做工官軍工部議奏處辦木植甄石物料
錢糧及工匠夫役等項俱暫輟各項工役赴今所併
力成造本月十一日具題奉

聖旨奉迎 皇考梓宮遷建顯陵朕今日大事彼此

合行事宜卿等會議亦既詳備朕心少慰并行圖俱依擬行禮卿只在部掌禮不必赴工

請釋服還宮

茲者伏遇 大行章聖皇太后崩逝仰惟 皇上聖孝天至慟慕情深日奉 几筵未忍離次此千古帝王所不能及者也 臣等切惟帝王之孝與凡庶不同故以日易月之制自漢以來至今數千年間莫之有改誠以大寶傳承萬機聽覽厥繁惟重非可徇曾閔之小節而妨宗社之大計也 臣等遠稽古義近循祖宗舊典仰遵 慈誥恭請 皇上於本月十五日

釋縗服十六日易素翼善冠布袍腰經至本月三十
日通前二十七日而除且禮經凡人子居喪有疾則
飲酒食肉言不以戚傷生也凡庶且然況天子之貴
乎今 聖駕躬詣大峪經始陵役 聖體爲勞伏望
皇上抑情從禮還宮倍萬衛攝不必復處喪次仰
體 慈聖平昔慎愛 皇上之心所以爲 聖孝之
大也 臣等無任惓惓願望之至本月十五日奉
聖旨卿等具奏覽之足見忠愛但人子之情忍便抑
割只是朕昨者因疾未愈遽遭 母喪連日乍作乍
可茲又內以虛火生熱外受風寒右目赤痛必須將

理况我 聖母愛子之心異常朕當思順勉從卿等
禮請行

上 大行皇太后尊謚并頒詔儀

該本部欽奉 制諭禮部朕惟身備天下之至善沒
受天下之顯名姬宗稱於無窮垂母儀於不朽此人
子尊親之大典慎終之要務也洪惟 聖母大行章
聖慈仁康靜貞壽皇太后王國克生天作之合相我
皇考睿宗獻皇帝坤章敬順陰教肅雍仁厚興周
風化行於江漢警戒成聖聞望達於家邦誕育眇躬
夙承慈訓蒙而養之以正長而教以義方無所不至

焉暨于入承大統治臻小康增光烈於祖宗衍休
祥於胤祚咸我聖母誨迪之功善慶之澤也方期
茲壽萬年備膺百福夫何邁茲瘡疾遽爾棄違銜罔
極之恩思報酹而莫及抱終天之恨徒攀戀以無從
嗚呼哀哉追惟厚德弘深率土仰戴上薦徽號舊有
勅章是宜采衆之公稱天而謚以播告寰宇昭于後
世庶朕荼毒之痛摧裂之傷其少舒焉爾部裏即會
文武百官議擬來聞欽哉故諭恭捧到部該臣等欽
遵恭擇上 大行章聖皇太后尊謚并奉告 南郊
等日合行禮儀議擬開坐上請等因奉 聖旨是日

期另擇欽此續於本月十五日奉 欽定日期到部
本月二十日又於內閣欽奉 聖諭更定諸儀仰惟
聖上文理密察裁畫精詳臣等愚陋因襲舊文所
擬失當謹欽遵更正通行各該衙門遵行外謹恭錄
上 尊謚并頒詔禮儀開坐上進併將 御筆硃注
揭帖一本隨本進繳謹具題知
欽定儀

一二十七日辰時恭上 尊謚前期二十三日太常
寺官奏告齋戒三日二十七日卯時遣官奏告 天
地 宗廟 社稷行祭告禮用祝文香帛果酒脯醢

如常儀欽定奏告官

南郊侯勛

命官不可詣園丘奠獻香燭等執事

俱仍在止上行事前三日着服青衣命官於昭亨門行禮俱祭服

北郊公溶

太廟

公希忠

成祖廟輔臣言

睿宗廟輔臣鼎臣六廟

尚書讚嵩廷相廷相伯溫瑤

大社稷伯鏹

帝社

稷駙馬詔各行禮俱用青衣本等帶以重南郊是

日早告祭

几筵陳設祭品如常儀設冊寶案于

几筵前冊東寶西設讀祝案于

御拜位右祭前一

日內侍官置冊寶輿香亭于

奉天門捧冊寶各置

輿中是日

上素冠服御

奉天門內侍官舉輿外

導駕官導

上隨冊寶輿後降階升輅外道駕官退

百官素服於金水橋南皆北向立候冊寶輿將至百官皆跪冊寶輿過畢輿皆隨至慈寧宮門外北向立太常寺導引官導上至慈寧宮門外降輅冊寶輿由中門進至几筵前丹陛上導引官導上由左門入至丹墀內贊唱執事官各司其事導引官導

上至丹陛上拜位太常寺官於冊寶輿內捧冊寶由殿中門入至几筵前左右北向立內贊奏四拜禮

在外鴻臚寺官傳唱百官皆四拜導引官導上由

殿左門入至

梓宮前奏跪

傳贊百官皆跪

奏進冊

太常寺捧冊官以冊跪進于上右上受冊獻畢

以冊授捧冊官置于冊案奏進寶太常寺捧寶官以
寶跪進于上左上受寶獻畢以寶授捧寶官置
于寶案奏宣冊太常寺宣冊官詣案取冊跪于上
右宣訖奏宣寶太常寺宣寶官詣案取寶跪于上
左宣訖奏俯伏興平身傳贊百官同奏復位導引官

導上至几筵前唱初奠禮奏跪

傳贊百官皆跪

奏獻帛奠酒贊讀祝讀祝官跪于右讀訖唱亞獻禮

終獻禮奏俯伏興平身

傳贊百官同

奏復位導引官

導上由殿左門出至拜位奏四拜

傳贊百官同導

引官導上由左門入至梓宮前以冊寶授太常

寺官捧入內導引官導 上入內安冊寶行叩頭禮
導引官導 上由左門出至丹陛上奏禮畢

一 同日未時頒 尊謚詔

百官各具青服烏紗帽黑角帶於承天門外伺候大
臣於午門前導引 上御 華蓋殿具黑翼善冠犀
帶執事官先行五拜三叩頭禮鴻臚寺官奏請陞殿
導引官導 上御 奉天殿鳴鞭訖序班設 詔案
翰林院官捧詔立于左鳴贊唱頒詔翰林院官以詔
授禮部官置于案序班舉案由 奉天殿左門出鴻
臚寺官奏禮畢 駕還宮錦衣衛用傘蓋捧至承天

門百官入班鳴贊唱四拜平身稱有制贊跪開讀訖
再行四拜禮鴻臚寺官唱禮畢錦衣衛具輿亭迎至
禮部膳黃次日進繳遣行人等官齎捧詔示天下本
月二十一日奉

聖旨是 二十七日復奉

聖諭明日上 皇妣謚號高皇帝上監禮看所行是
否

南宮奏議卷第七

南宮奏議卷第八目錄

大恤二

論 慈宮南祔事宜

奉 諭定擬除喪後服色并 郊廟用樂事宜

再乞審處南祔事宜

大行梓宮南祔引發并沿途經過去處 梓宮

奉遷合葬等儀

恭錄 欽定儀進呈

南宮奏議卷第八

鈴山堂集四十八

大恤二

論 慈宮南祔事宜

嘉靖十七年十二月十八日該大學士夏言節奉
聖諭昨朕與卿面加慎詳於遷陵一事或謂爲先入
之言朕改議云今朕復思一夜中心甚懼夫三年之
喪上下一道故曰雖天子必有父所以無別止此一
大道理爾後世日繁萬幾之務易月爲日此縱有聖
人來見於後朕度必不能復設使示爭于初必不終
于后徒賣虛名不若以時爲順乃爲識理之真至于

墓次於廟也且禮不明著子爲天子諸侯父爲大夫
士則葬用死者爵以安親爲上不敢強在生之實矧
奉藏體魄將二旬歲忍啓露於風塵之間撼搖於途
路之遠朕心旣不妥寧我 皇考亦必不寧我 聖
母又大不寧也茲決以禮之正情之安的奉 慈宮
南詣合葬穴中不必粉飾果有未善即彼處置朕湏
躬至 顯陵親臨調度此恐與北來爲孝之大卿將
此諭播之群臣禮官當作急上議欽此抄捧到部臣
等會議得仰惟 皇上以 大行皇太后崩逝恭建
山陵於大峪迎 皇考梓宮前來合葬明詔渙頒命

使迎扈已刻日戒行矣茲者伏奉 聖諭奉藏體魄
將二旬歲忍啓露於風露之間撼擇於途路之遠欲
奉 慈宮南詣合葬臣等仰見 皇上慎重大事憂
深思遠勅下群臣禮官再加詳議臣等連日踧躅徊
徨莫知所處竊惟人臣食祿事君惟上所命赴河蹈
火所不敢辭夫 靈駕之北來與 慈宮之南詣其
理一也但易曰作事謀始傳曰謹始慮終及今不致
詳審一時有誤後悔何及今奉遷下議國之大事莫
重於此其事有所當慮者臣等不敢不爲 皇上言
之夫往年臣下屢有建遷陵之議者矣 陛下亦屢

嘗下之廷議矣然旋議旋止蓋以其時聖母在上不忍遽言茲事耳昨者恭奉明旨爲皇考奉遷今日已無他諱臣等輿情莫不慰悅將順何也蓋頃歲顯陵之遠深厪聖懷皇上躬擇大峪地勝而近神寢再建不惟聖靈並慰且朝廷展謁之禮春秋陵祀之儀得以便於修舉千萬世聖子神孫率循彝典可仰遵而無替也今近捨朝發夕至之地而遠即數千里之外每歲春秋之祀皇上祇謁列聖而二聖反不與焉于此之時聖心望遠興哀何以自解此其所當慮者一也術家地理之法以龍脉沙

水較其地之美惡其說未爲無理然亦未可的據以爲準者幽宅之內理難遙度正使實有未善必須先期相擇別有佳處灼然可用斯爲善美今一山之中其善惡相去幾何東西趙那不免穿鑿地氣旣洩要無全力萬一果有未善彼處倉卒便難得一善地則慈宮已奉而南又復返而北乎此其所當慮者二也昔朱熹嘗論壽皇葬地非吉疏請遷改然有取於孫逢吉之言少寬日月別求吉兆爲上今顯陵果爲吉地而不可遷歟果非吉地而必當遷歟此非臣等所能知也臣等愚見咸謂宜如昨者聖諭必須

先遣一二親重之臣帶領精曉地理人員星馳前去
會同彼處撫按官員恭詣相看果風氣攸厚玄宮融
結則亟宜謹闕萬一未善則何憚改移今 大行几
筵安奉慈寧遲之數月未爲不可伏請 皇上仰遵
遺訓無妨萬幾無廢 郊廟常祀目今暫服淺淡至
發引之日仍用始喪之服俟命官承天邁返從實具
奏上請定奪庶幾事體停妥可免後悔昨者遣官之
命頗似迫趣至厪 聖明今茲之慮若夫 乘輿南
涉關係匪輕豈容造次輕誤而不爲長慮却顧哉臣
等非敢畏難辭責有所憚避亦非遷就姑爲之說恐

事體必當如是伏望 聖明深察淵謀英斷有以自
致其決臣等無任惶死屏營俟命之至本月日奉
御批覽這所言只是專重在人情私俗上不思四海
非王土歟如我 皇祖孝陵之在南京今歲時展謁
得親否乎又我 成祖豈不永慕 皇祖邪卿等既
執前議爲是朕心終不安只管如昨旨遵照原朕親
定日期行

奉 諭定擬除喪後服色并 郊廟用樂事宜
本月二十四日該內閣抄出節奉 聖諭今日部疏
所據未免循故事未見損益何如禮曰三年之喪賢

者勿過不肖者不可免若拘此紙上法度自後世君人者皆罪人也不但景君一人耳朕氣質微弱志念實不副每有志於古道力不克然時亦不同也今旣曰以日易月無有不知無有不見非虛文也是實行也更不必小惠報父母姑息以事親直便實爲之庶不傍牽蔓引而聖人可作僞乎雖山陵之未就而實不是古人未葬之時百事皆輟之美吉典亦行郊社在上又雖云廢委不敢廢封建征伐賞刑諸事命出一人本無虛日謂之居喪吾不信也便當如制定服後皆不必遷就遇郊有事宜吉服作樂况父

在柩子嗣位率用全吉何事天反云云邪此尊尊也
廟有事着淺色不作樂此親親也居他處服墨布
至喪次仍素色直候奉引安陵仍用始服之服以終
之庶爲情實卿等即抄明白付宗伯翰林禮科各議
來行否即曰否卿等其以爲何如欽此先該本部題
爲禮儀事伏遇 大行章聖皇太后崩逝嘉靖十七
年十二月三十日遵依 遺詔二十七日服滿查得
先年 孝貞皇太后崩逝服制滿後 上位仍素翼
善冠布袍腰經御西角門不鳴鐘鼓百官俱素服烏
紗帽黑角帶侍朝待 梓宮入山陵本部另行奏請

變服臣等議得本月三十日 大行章聖皇太后服制雖除山陵未就應合查照 孝貞皇太后事例遵行等因奉 聖旨已有諭着議了來說欽此欽遵 臣等會同翰林院學士張潮禮科給事中 等會議得自漢文以日易月之制天子不復行三年之喪數千年間雖有英君誼辟莫之能改者誠以人主一日萬幾揆宰事物發施號令命討諸典不容少曠焉者禮有中制時不古若故諒闇不言之制決不可復行於後世也仰惟我 皇上凡所制作力法前古然獨深惟 宗社萬幾之重灼然有見斯理之真以謂後

世人君非獨景君之過雖山陵未就不是古人百事
皆輟之美 郊社在上委不敢廢此不易之論矣臣
等愚昧昨者䟽擬徒襲故常無所損益伏讀 聖諭
不勝慚汗蒙諭便當如制定服後皆不必遷就仰見
至聖無偽天德不飾且尊天之儀不同於廟事別殿
之服必異於喪次至於奉引安陵仍用初服此皆
聖慮周至析理精微不但得孝親之實且有以定千
古之疑臣等謹欽遵 聖諭本月三十日服除自正
月初一日以後 皇上常服俱墨布至喪次仍素色
百官俱青色冠服 郊有事吉服作樂 廟有事淺

色不作樂俱欽遵 聖諭伏候命下本部通行內外衙門一體遵行本月二十六日奉 聖旨是

再乞審處南祔事宜

該勲輔臣等抄示節奉 聖諭所有大事朕見愚夫細人滿世雖讀書的亦把禮義爲虛矣可慨矣夫況譏不斷之者又見大峪工復也卿等明日口傳朕命與禮部令示內外三命使着四日寅刻起行勅內監俱發與并內外各原定官役隨行啓奉 嚴宮十三日外時乃朕自擇况趙俊奉視即係啓始朕疾煩今

次用日時俱令所司司事 嚴宮既至 慈輿發引
一切事宜先期有制俱以各司擬行欽此 臣嵩秉燭
恭讀仰知 皇上以大事憂勞令本部示內外命使
初四日寅刻南發啓奉 嚴宮 臣展轉徊徨不敢安
寢切思命使之行固不可緩但趙俊既奉前命奉視
刻期可還臣愚猶望 皇上少遲旬日姑俟俊回奏
報定奪庶於事體穩當今知道者自能仰體 皇上
慎重大事不厭詳慮惟即 聖心所安者行之是即
義理之正若夫愚夫細人難與慮始何足爲計伏望
皇上留神審處勅下遵行 臣犬馬愚衷謹冒昧具

聞不勝戰慄之至嘉靖十八年正月初二日奉

聖旨是優柔不斷婦人所爲即日擇日命官恭奉

梓宮南祔 顯陵合葬一應禮儀事宜各衙門便逐一具議奏來定奪

大行梓宮南祔引發并沿途經過去處 梓宮

奉遷合葬等儀

嘉靖十八年四月二十八日欽奉 聖諭朕南巡因

謁陵寢及視大峪已畢然峪地空淒豈如純山完美

決用前議奉 慈駕南祔引發吉辰別候欽此續於

五月初二日節奉 聖諭恭奉 慈宮引發吉日用

今月十七日子時奠獻使等官仍用原定官員一應
禮儀亦宜用原定者如有增損臨期酌擬但改水程
奉梓宮行欽此臣等仰惟皇上秉禮慎終殫思
竭力睿謀宸斷精審無遺臣等欽遵 聖諭謹將
慈宮引發 二聖合葬禮儀查照原定節次量加增
損謹逐一再行開坐上請伏乞 聖明裁奪恭候勅
下遵行

計開引發儀 一太常寺備辦各祭告品物香
燭制帛翰林院撰合用祭祝文先期勅命勲戚重臣
一員充奠獻使并護行武職大臣一員管領官軍扈

侍梓宮行禮部堂上官一員監禮扈行題主大臣一員護喪內侍官并入皇堂內官內使匠作太常少卿一員執事官十人鴻臚少卿一員屬官等十人光祿少卿一員四署官四人錦衣衛指揮一員千百戶四人各供事給事中御史各二員監視糾察欽天監官一員率博士官二員安葬候時五府九卿等衙門分官奉送梓宮俱照近日欽點職名各送至張家灣水次恭祭而回工部委官會同內官監官先期於通州及張家灣水次二處搭蓋奉安梓宮席殿及朝陽門至通州各處祭所蓆棚及行文沿路府州

縣各該有司預於水次搭蓋祭所蓆棚一引發前
二日百官及皇親命婦文武官三品以上命婦俱縗
服每日早詣慈寧宮門外哭臨命婦設祭一壇免朝
禁屠宰音樂至神主回京日止一十一日子刻
以皇妣祔葬顯陵祭告太廟睿宗廟遣官
分告列聖群廟一十三日子刻上親告天
神地祇郊壇祭品行禮俱如常儀用吉服百官陪拜
一十五日 上預告凡筵內侍官陳設牲醴如常
儀上具縗服內導引官導上詣拜位奏四拜奠
帛三奠酒讀祝俯伏舉哀哀止奏四拜興焚祝帛禮

畢一設奠辭靈昭聖皇太后遣祭一壇武廟
皇妃一壇皇后一壇皇妃一壇皇嬪一壇皇太子一
壇裕王景王仁和大長公主等一壇涇簡王妃一壇
內官內使共一壇是日遣官祭告各門及諸神廟慈
寧門思善門右順門午門端門承天門御橋大明門
俱遣內官行禮玉河橋朝陽門并橋關王廟顯靈宮
靈濟宮城隍廟東嶽廟真武廟俱遣太常官行禮祭
用酒果脯醢香帛一十六日司禮監禮部錦衣衛
提督執事者設大昇輦于午門外至大明門外一
啓奠戌初刻行啓奠禮內侍官陳設酒饌拜位如常

儀內導引官導 上具縗服詣拜位奏拜奠讀祝舉
哀禮畢內侍官跪奏請 慈孝獻皇后梓宮升龍輜
執事者升徹去帷幙等物拂拭 梓宮進龍輜于几
筵殿下安扛并擺列輿亭內侍官先捧謚冊寶由殿
中門出置輿內次奉桑主由中門出奉安輿內次香
亭安置訖內侍官捧銘旌由中門出執事官升捧
梓宮內執事持翼分左右障 梓宮降殿執事官奉
登龍輜訖以綵色帷幙障飭 梓宮執翼者仍分列
左右內使擎繖扇侍衛如常儀儀仗用存日所御者
謚冊寶輿香亭銘旌以次先行 上至 梓宮前跪

內侍官跪奏謹請 皇妣靈駕進發舉 梓宮出

上由殿左門出宮眷皆哭後隨至午門內侍官跪奏

請 靈駕安止安定行祖奠禮 一祖奠內侍官陳

設酒饌拜位如常儀內導引官導 上縗服拜奠讀

祝舉哀畢內侍官跪奏請 靈駕進發午門執事者

進大升轝奉安訖遂行 上率宮眷隨至端門外行

朝 祖禮 一朝祖禮欽定捧 主官九員是日各

具青服恭捧各廟主詣 太廟奉安訖太常寺陳設

脯醢酒果于 列聖位前 不奠獻 執事官先設褥位

于 太廟丹陛正中 梓宮至端門外 上具青服

太常寺導引官導 上詣桑主饗前跪太常卿跪于
上之左奏請 慈孝獻皇后朝 祖 上捧桑主
由 太廟中門入至 太廟丹陛上立典儀唱迎神
各捧主官上香退典儀唱行朝祖禮太常寺卿詣殿
中之祝位處朝上立定內贊奏跪 上捧桑主跪奉
桑主于褥位內贊奏贊讀辭太常卿跪奏曰 孝玄
孫嗣皇帝御名謹奉 慈孝獻皇后謁辭訖內贊奏
四拜禮興平身 上跪捧桑主起立太常卿跪奏曰
禮畢請還宮捧主官納 主還各廟 上捧桑主退
下陛東西面立俟 列聖主後隨出安亭內行辭奠

禮 一辭奠禮先期太常寺官於承天門內陳設牲醴如常儀內侍官設 上拜位設宮眷帷幙于近西桑主朝祖畢 上易縗服太常寺導引官導 上詣拜位內贊奏上香奏二拜典儀唱奠帛三獻讀祝俯伏舉哀哀止奏二拜焚帛祝禮畢 上退宮眷入拜哭盡哀止太常官跪奏請 靈駕進發 上攀送而還宮眷俱還司禮監禮部錦衣衛官提督輿亭儀衛等以次前行 梓宮出承天門大明門轉東由朝陽門出大樂鼓吹前導設而不作 一行遣奠禮先期太常執事官陳設牲醴如常儀工部搭蓋祭棚于朝

陽門外 梓宮至太常寺導引官引奠獻使詣拜位
行四拜禮奠帛奠酒讀祝俯伏舉哀哀止贊四拜興
焚祝帛禮畢太常寺官詣 梓宮前跪奏請 梓宮
啓行 一路祭八侯伯五府九卿等衙門官員耆老
人等路祭共一壇朝陽關外五里僧道官共一壇通
州皇親及駙馬共一壇各衙門奉送 梓宮官員一
壇俱張家灣一京城至張家灣沿途市巷軍民男婦
遇 梓宮至皆跪俯伏舉哀候 梓宮過興一大
升輿行沿途校尉昇送選委內官同錦衣衛官專一
提督務要起止有節行步安穩送葬官員人等不許

逼近儀仗失次喧嚷有失禮儀者聽糾儀官舉奏

一是日戌刻題 主前期内侍官設神座香案于通

州席殿內靈駕至奉安訖奠獻使行上食禮畢退執

事官陳設祭品設題 主案于香案前西向奉栗主

置案上奠獻使具青服百官俱釋纓具青服陪拜太

常寺官引使就拜位贊三上香訖贊四拜興退百官

分侍左右題 主官盥手西向立恭題訖內侍官捧

主奉安神座命官青服行降神禮 一降神禮典

儀唱執事官各司其事贊就位贊詣前上香復位贊

四拜 百官同 唱奠帛行初獻禮獻爵讀祝亞獻終獻

贊四拜焚祝帛官跪奏請 慈孝獻皇后神主降座
陞輿命官捧 主陞輿還京內侍官捧桑主用帛輜
櫃 靈駕行內執事官焚楮駕凶儀于野 一十八
日 神主回京內執事官備儀衛教坊司大樂鼓吹
前導至道中行饗神禮命官具青綠錦繡服色百官
同典儀唱執事官各司其事贊就位命官就位贊詣
前上香復位贊四拜百官同唱奠帛行三獻禮贊四
拜焚祝帛禮畢 神主輿行至朝陽門命官具吉服
隨行百官同寅刻至午門外儀衛等退內導引官導
神主入 上具常服率皇后宮眷出迎隨行至

慈寧宮門外 武廟皇妃公主涇簡王妃宮眷等俱
吉服迎 神主于 宮門內 神主至几筵殿內
皇后皇妃以下序立于殿西稍北東向 上立于殿
東稍南西向內侍官詣 靈輿前跪奏請 慈孝獻
皇后神主降輿陞座畢 上捧 神主奉安于靈座
訖行安神禮內執事官陳設牲醴如常儀內導官導
上詣拜位奏拜奠讀祝禮畢后妃以下入行四拜
禮鴻臚寺官引百官于慈寧宮門外俱隨班行禮傳
唱如儀 一神主輿行奠獻使等官行叩頭禮上食畢
太常寺官跪奏奉請 梓宮啓行至張家灣奉 梓

宮登舟奉安訖行祭告禮太常寺官陳設奠獻使行
禮如常儀各衙門奉送官俱陪拜祭畢舟發沿途每
日三上食奠獻使等官俱素冠服詣梓宮前行叩
頭禮如常儀神宮監尚饌監恭辦上食饌五樣蔬果
酒饌一經過有王府去處許王素服出迎致祭該
府官預陳設祭物于水次席殿內替唱就位贊鞠躬
贊四拜興贊香案前跪上香畢復位跪奠帛初獻爵
讀祭文亞獻終獻畢俯伏舉哀十五聲而止贊四拜
興平身焚帛禮畢一王府附近去處遣輔道官致
祭先于席殿陳設祭物候梓宮至執事官贊四拜

興贊上香畢復位跪奠帛三獻爵讀祭文俯伏舉哀
哀止興四拜興焚祝帛禮畢 一南京守備文武衙
門各處鎮巡三司官 梓宮舟經及附近處所俱致
祭舉哀與王府遣官儀同所轄有司大小官員通許
陪拜致祭物品用簇盤一座豕一羊一果五盤點心
五盤餽燥五盤餅五盤俱用顏色紙花案酒五樣菜
五碟粉湯五盃飯五盃帛一段酒三爵香燭紙陳設
如儀 一梓宮自通州登舟抵承天張家灣祭潞河
之神天津祭海口之神安平鎮祭龍王之神徐州呂
梁二處祭洪神淮河口祭淮瀆之神儀真南京祭大

江之神彭澤祭小孤山之神九江之神漢江之神所
過大川俱用牲醴致祭俱勲臣具青服行禮其各處
應祀水府之神開載未備者臨期增酌致祭

奉遷 二聖梓宮合葬儀

一欽定奉啓 先帝舊玄寢出梓宮加重函吉日閏
七月十三日辰時同日 聖母梓宮至陵用未時掩
玄宮本月二十五日辰時 一先期遣官祭告 顯
陵光祿寺官陳設牲醴如儀贊四拜興奠帛奠酒讀
祝贊四拜興焚祝帛禮畢百官陪拜如儀 一舟至
承天府太常寺官陳設祭告牲醴如儀百官具緣服

奉迎 梓宮升岸席殿奉安奠獻使行祭止禮贊四拜奠帛奠酒讀祝贊四拜興焚祝帛師生耆民人等俱隨班行禮使先詣 睿宗舊寢前贊四拜興各差去官陪拜奠帛獻酒讀祝俯伏興四拜焚祝帛贊禮畢辰時奉遷 睿宗梓宮重函奉安于 祔恩殿畢使復詣 聖母梓宮前候發執事官先陳龍輜于顯陵祔恩殿門外候未時大升輿至太常官詣大升輿前跪奏請靈駕降輿升龍輜詣祔恩殿執事官奉梓宮升龍輜由中門入奠獻使由左門入詣祔恩殿奉安訖 謚冊寶輿等仍陳于前 一行安神禮

執事官陳設酒饌如常儀設奠獻使拜位于二聖
梓宮前內侍官引奠獻使詣拜位贊四拜興贊跪奠
帛奠酒讀祝俯伏舉哀哀止贊四拜興焚祝帛禮畢
執事撫按等官陪拜鴻臚寺官

傳贊行禮同一以合

葬祭告后土并純德山之神陳設牲醴如常儀一

閏七月二十五日辰時行遷奠禮執事官陳設酒饌
如常儀設奠獻使拜位于二聖梓宮前太常官引
使詣拜位贊四拜興贊跪奠帛奠酒讀祝訖俯伏舉
哀哀止贊四拜興焚祝帛退候掖玄宮時至太常官
引使詣二聖梓宮前跪太常寺官跪奏請靈駕

赴玄宮使俯伏興執事官升奉遷 二聖梓宮進皇
堂奉安訖太常官同內侍官奉 謚冊寶置于前陳
列冥器等畢行贈禮 一贈禮內執事官陳設酒饌
于皇堂門外奉玉帛案置香案設奠獻使拜位于前
太常官引使詣拜位贊四拜興贊跪奠酒贊請進贈
執事官捧玉帛跪進于使之右使受玉帛獻畢以授
內執事捧入皇堂安置訖贊俯伏興贊四拜舉哀哀
止興贊贈事畢內侍官出遂掩玄宮行享禮執事官
陳牲醴于玄宮前如常儀太常官引使詣拜位贊四
拜贊跪奠帛奠酒讀祝俯伏興贊四拜興焚祝帛百

官陪拜鴻臚寺官傳贊行禮同一掩玄宮畢太常寺
官同內侍官恭捧 慈孝獻皇后桑主并魂帛奉藏
于玄堂外遣官祭謝后土并純德山之神陳設酒饌
如常儀禮同祭告 奠獻使執事等官回京復 命本
月二十二日奉
聖旨是

恭錄 欽定儀進呈

嘉靖十八年五月十七日恭遇 皇妣慈孝獻皇后
梓宮南祔 顯陵合葬引發一應禮儀該本部具擬
上請奉有欽依外續又奉 欽定 太廟辭謁禮儀

增承天門辭奠朝陽門遣奠并題 王後降神享神
等禮 梓宮登舟及升岸等祭除欽遵傳示內外遵
行外臣等仰惟 皇上至孝純誠凡所裁定思精義
密於哀痛沉迫之中有詳縝條序之節大聖人卓識
非臣下愚昧所能及也茲者終禮告成輿情慰悅臣
等禮官受成睿斷苟免罪愆益不勝慶幸謹將 欽
定過禮儀恭錄上進謹具題知

南宮奏議卷第八